



**PEKELILING AKADEMIK  
SPECTRUM INTERNATIONAL COLLEGE OF TECHNOLOGY (SICT)**

---

**PEMAKLUMAN**

**PENANGGUHAN PENGAJARAN DAN PEMBELAJARAN (P&P) SECARA  
FIZIKAL/BERSEMUKA SEMESTER OKTOBER 2020 – JANUARI 2021**

Berdasarkan kenyataan media daripada Kementerian Pengajian Tinggi (KPT) pada tarikh 2 Oktober 2020, pihak KPT telah menyeru kesemua Institusi Pendidikan Tinggi (IPT) untuk menangguhkan dahulu pendaftaran secara fizikal/bersemuka pelajar-pelajar baharu dan lama ke kampus.

Oleh itu, pihak pengurusan akademik SICT ambil maklum terhadap kenyataan media yang dikeluarkan oleh KPT dan akan menangguhkan sesi P&P secara fizikal/bersemuka bagi semester Oktober 2020 – Januari 2021 dan digantikan dengan kelas atas talian (*online*) menggunakan aplikasi *Microsoft Teams*.

Sebarang makluman atau pertanyaan lanjut, sila hubungi Unit Pengurusan Akademik di talian 03-5885 3891 atau [info@spectrum.edu.my](mailto:info@spectrum.edu.my).

Sekian.

**En. Syed Mohammad Jamal**  
**Ketua Akademik**  
**Spectrum International College of Technology**

**2 Oktober 2020**



## **KEMENTERIAN PENGAJIAN TINGGI**

### **KENYATAAN MEDIA**

#### **PENANGGUHAN PENDAFTARAN SECARA FIZIKAL/BERSEMUKA PELAJAR IPT KEMASUKAN OKTOBER 2020**

---

Kementerian Pengajian Tinggi (KPT) amat prihatin dengan pandangan pelbagai pihak serta kebimbangan yang disuarakan oleh para pelajar, ibu bapa dan masyarakat dengan peningkatan kes COVID-19 yang berlaku hanya selang beberapa hari sahaja dari tarikh kemasukan pelajar baharu ke universiti.

KPT turut prihatin mengenai kesihatan, keselamatan dan kesejahteraan pelajar-pelajar, staf universiti dan semua pihak yang terlibat.

Justeru, KPT mencadangkan kepada semua Institusi Pendidikan Tinggi (IPT) untuk menangguhkan dahulu pendaftaran secara fizikal/bersemuka pelajar-pelajar baharu dan lama ke kampus. Semua urusan pendaftaran pelajar boleh dilaksanakan secara dalam talian, begitu juga aspek pengajaran dan pembelajaran sehingga pengumuman baharu mengenainya dibuat.

Keputusan menangguhkan pendaftaran secara fizikal/ bersemuka pelajar-pelajar yang terlibat perlu dibuat demi memelihara kesejahteraan dan keselamatan semua pihak.

Bagi pelajar yang telah berada di kampus dan sedang mengikuti aktiviti akademik, mereka boleh kekal berada di kampus masing-masing. Pihak IPT diminta membantu segala keperluan yang diperlukan oleh kumpulan pelajar ini.

Sebarang pertanyaan berkaitan pergerakan balik ke kampus serta sesi pengajaran dan pembelajaran boleh dirujuk terus kepada IPT masing-masing.

KPT juga mencadangkan kepada semua IPT supaya menangguhkan semua program atau aktiviti yang melibatkan himpunan di dalam kampus.

KPT juga telah mengambil langkah proaktif berunding dengan syarikat-syarikat penerbangan bagi memohon mempertimbangkan penjadualan semula penerbangan pelajar-pelajar pulang ke kampus khususnya bagi mereka yang telah membeli tiket penerbangan pulang ke IPT masing-masing. Hasil rundingan tersebut, syarikat-syarikat penerbangan telah bersetuju untuk menjadualkan semula penerbangan pelajar sehingga 31 Disember 2020.

Keprihatinan dan kepekaan daripada semua pihak dalam menjaga hal ehwal kebajikan dan kesejahteraan pelajar dan masyarakat amat diperlukan dalam menghadapi situasi semasa berkaitan pandemik COVID-19 ini.

**KEMENTERIAN PENGAJIAN TINGGI**

**2 Oktober 2020**